

Рабби Исаны тувмакълыгы

1 Шо заман Август пача бютюн Рим дюнъясындагы халкъны санавун гысапгъа алсын деп буйрукъ эте. 2 Кириниус Сурияны пачасы болгъанлы, бу биринчилей оьтгерилеген гысап алыв болгъан. 3 Гысапгъа алынмакъ учун гъар ким оьз тувтъан ерине гете. 4-5 Юсуп Давутну агълюсюнден болгъан. О гысапгъа алынмакъ учун Галилеядагы Назарет шагъардан Ягбудеяда ерлешген Байтлагъам деген Давутну шагъарына ёлгъа тюше. Юсуп булан шо вакътилерде айлы болгъан гелешмиши Мариям да бара. 6 Олар онда турагъан вакътиде Мариямны яш тапмагъа чагъы етише. 7 О оьзюню биринчи уланын таба, яшны къуннакълай ва ондагы петерде оьзлер учун ер болмагъаны саялы, Ону отлукъгъа салып къоялар. 8 Шо ерлерден бираз ариде, гече авлакда къалып, оьзлени сиривлерин багъагъан бир къойчулар бола. 9 Бирден оланы алдына Раббини малайиги гелип токътай ва Раббини сыйлы нюрю оланы юзлерин ярыкъландыра. Къойчулар бек къоркъалар. 10 Амма малайик олагъа булай дей: «Къоркъмагъыз! Мен сизге кюллю халкъны сююндюрежек бир уллу сююнч гелтиргенмен. 11 Бугюн Давутну шагъарында сизге Къутгъарывчу тувду. О — Аллагъ танглагъан Раббидир. 12 Муна сизге бир белги: сиз отлукда ятгъан, бир къуннакълангъан Яшны табажакъсыз». 13 Бирден бу малайик булан бирге кёкден гелген кёп башгъа малайиклер гёрюне, олар Раббини алгъышлап: 14 «Кёклердеги Аллагъгъа макътав ва ер юзюнде Аллагъ сюеген инсанланы арасында парахатлыкъ болсун!» - дейлер. 15 Малайиклер кёкге чыкыгъан заманда къойчулар бир-бирине: «Гелигиз, Байтлагъамгъа барайыкъ, онда не болгъанны, Рабби бизге билдирген хабар не экенни билейик», — деп сёйлейлер. 16 Алгъасап гелип, къойчулар онда Мариямны, Юсупну ва отлукъгъа салынгъан Яшны табалар. 17 Яшны гёрген сонг, бу Яшны гъакъында оьзлеге малайик айтгъан хабарны адамлагъа айталар. 18 Къойчулар айтгъанны эшитгенлер барысы да шогъар тамашалыкъ эте. 19 Мариям буса къойчуланы сёзлерин эсинде

сакълай ва шоланы гъакъында ойлаша тура. 20 Къойчулар озлер эшитген ва гьрген бары да затлар учун Аллагъгъа алгъыш ва макътав эте туруп, гери къайталар: бары да зат олагъа малайик айтгъан кюйде болуп табула.